



গণপ্রজাতন্ত্রী বাংলাদেশ সরকার



# তথ্য অধিদফতর

PRESS INFORMATION DEPARTMENT, GOVERNMENT OF THE PEOPLE'S REPUBLIC OF BANGLADESH

তথ্যবিবরণী

নম্বর-১৯৮

রাজশাহীতে ৬ষ্ঠ জাতীয় ভোটার দিবস উদ্ঘাপন

রাজশাহী; ১৮ ফাল্গুন (০২ মার্চ):

আজ শনিবার (২ মার্চ) ৬ষ্ঠ জাতীয় ভোটার দিবস। সারাদেশের মতো রাজশাহীতেও নানা কর্মসূচির মধ্যে দিয়ে দিবসটি উদ্ঘাপিত হয়। দিবসটির এবারের প্রতিপাদ্য- 'সঠিক তথ্যে ভোটার হবো, স্মার্ট বাংলাদেশ গড়ে তুলবো'। প্রধান অতিথি হিসাবে বেলুন, ফেস্টুন ও পায়রা উড়িয়ে দিবসটির উদ্বোধন করেন স্থানীয় সরকার বিভাগের পরিচালক পারভেজ রায়হান।

দিবসটি উপলক্ষ্যে সকাল সাড়ে নয়টায় বিভাগীয় কমিশনার কার্যালয়ের সম্মেলন কক্ষে এক আলোচনা সভা অনুষ্ঠিত হয়।

অতিরিক্ত বিভাগীয় কমিশনার তরফদার মোঃ আক্তার জামীলের সভাপতিত্বে অনুষ্ঠানে বক্তৃতা করেন অতিরিক্ত পুলিশ কমিশনার মোহাম্মদ হেমায়েতুল ইসলাম, আঞ্চলিক নির্বাচন কর্মকর্তা মোঃ দেলোয়ার হোসেন, অতিরিক্ত জেলা ম্যাজিস্ট্রেট সাবিহা সুলতানা, পুলিশ সুপার মোহাম্মদ মনিরুল ইসলামসহ বিভিন্ন দপ্তরের কর্মকর্তা এবং রাজনৈতিক ব্যক্তিবর্গ।

অনুষ্ঠানে বক্তাগণ দিবটির তাৎপর্য তুলে ধরে আলোচনা করেন। তাঁরা বলেন, স্মার্ট বাংলাদেশ গড়তে সঠিক তথ্য দিয়ে ভোটার হতে হবে। তরণদের ভোটার হতে আগ্রহী করে তুলতে হবে। জন্মের ০ থেকে ৪৫ দিনের মধ্যে জন্মনিবন্ধন করতে হবে। প্রথমে যদি সঠিকভাবে জন্মনিবন্ধন পূরণ করা হয়, তাহলে স্মার্ট কার্ডে কোনো ভুল থাকবে না। সঠিক তথ্য না দেয়ার কারণে আমাদের অনেকের-ই জন্মনিবন্ধন, এনআইডি কার্ড, পাসপোর্ট এর তথ্য একটির সাথে আরেকটির মিলে না। তাই গুরুত্বের সাথে তথ্য দেয়া দরকার। কারণ এমন একটা সময় আসবে এনআইডি কার্ড ব্যতীত কেউ কোনো ধরনের সেবা নিতে পারবেন না।

বক্তাগণ বলেন, এনআইডি কার্ডের অনেক সুফল ভোগ করছেন জনগণ। প্রশাসনও এনআইডি কার্ডের মাধ্যমে খুব সহজেই অপরাধী চিহ্নিত করতে পারছেন। ব্যাংক, বীমা ও আর্থিক প্রতিষ্ঠানগুলোর লেনদেন এনআইডি কার্ডের মাধ্যমে সহজ হয়েছে। এ সময় সরকারি চাকুরিজীবীরা ভোটার হলেও তারা নিজের ভোট দিতে না পারার আক্ষেপ প্রকাশ করেন। এ বিষয়ে যথাযথ কর্তৃপক্ষের পদক্ষেপ নেওয়ার আহ্বান জানান তারা।

অনুষ্ঠানে জানানো হয়, প্রতি বছর ভোটার দিবসে নতুন ভোটারদের তালিকা প্রকাশ করা হয়। দ্বাদশ জাতীয় সংসদ নির্বাচনে রাজশাহী বিভাগে মোট ভোটার ছিল ১ কোটি ৫৪ লক্ষ ৬২ হাজার ১ শত ৬৫ জন। এবারের নতুন ভোটার ২ লক্ষ ৫০ হাজার ৭ শত ৫৬ জন। এখন মোট ভোটার ১ কোটি ৫৭ লক্ষ ১২ হাজার ৯ শত ২১ জন।

অনুষ্ঠানে আরও জানানো হয়, ১০৫ টোল ফ্রি নাম্বারে ফোন করে ভোটার বিষয়ে যেকোনো সমস্যার খুব দ্রুত সমাধান করা যায়।

এর আগে রাজশাহী আঞ্চলিক নির্বাচন কর্মকর্তার কার্যালয় হতে একটি শোভাযাত্রা বের হয়ে শহরের গুরুত্বপূর্ণ পথ প্রদক্ষিণ শেষে বিভাগীয় কমিশনার কার্যালয়ে গিয়ে শেষ হয়।

.....  
তৌহিদ/সিকান্দার/রঞ্জল/২০২৪/১৪.০০৪.